

Иоанн Златоустонь литургиязо

Од сыщятнень литургия

Д. (шаржавонть панжозь ды кадиласо престолонть сувтазь). Ульнесь рунгозо калмосо, Оймезэ – адсо, розбойник марто – райсэ, Тетянзо ды Оймеялтонть марто – престолсо, валсо а ёвтавиця Христос.

Весемесь сувтави кадиласо, ловови 50-це псаломось.

Менельмасторонь Инязоронтень

П. Менельмасторонь Инязор, Оймавтыця, Видечинь Оймеялт, конась ашти эрва таркава ды пешти весементь, паронь максыця ды эрямонь кирдиця, сак, совак эйзэнек, ванськавтымизь минек эрва кодамо нулгодьксиденть ды идить, Вечкицянок, минек ойменек.

Шнамо Инешкипазонтень, сэтьмечи модамасторонть, Пазонь мель ломантненень. *(Кавксть).*

Инешкипаз! Пут валт кургозон ды мон шнатан Тонтъ.

Д. Шка Инешкипазонтень тевть невтемс. Церьковань кирдиця, чанстямизь.

П. Шнави Инешкипазось течи, свал ды пингеде пингес.

Д. Ознок мондень, чанстязь кирдиця.

П. Инешкипазось невьсы тетъ кинть.

Д. Ледстямак монъ, церьковань кирдиця.

П. Инешкипазось ледстятанзат эсензэ Менельмасторсо, течи, свал ды пингеде пингес.

Д. Истя улезэяк.

Д. [Баславамак, церьковань кирдиця]

Начало Литургии

П.Баславазь Тетянтъ, Цёрантъ ды Иневанькс Оймеялтонть Маторозо, течи, свал ды пингеде пингес.

П. Истя улезэяк .

Ине Ектения (Великая Ектения)

(Саемс Вень озномастонть) Ине ектения

Д: Сэтьмечисэнтъ Инешкипазонтень ознотано.

Н: Инешкипаз, ульть седеймариця

Д: Весе мастордонть ды ойменек идемадо Шкипазонтень ознотано.

Весе модамасторонть сэтьмечидентъ, Инешкипазонъ церковатнень шумбрачидест ды весень вейсэндявомадо Пазонтень ознотано.

Те чанстязь (святой) храмдонть (кудодонть) ды весесе сонзэ эйс кемезь, пазонть шназь, ды эйстэнзэ пелезь совицятнеде Инешкипазонтень ознотано.

Минек Ине тетядонть святейшей патриархтонть **АЛЕКСИИНТЬ** эли минек высокопреосвященной архиепископтонть **ВАРСОНОФИИНТЬ**, почтенной просвитордо, конась Христосонь дьяконокс, весе клирдэнтъ (церковань лия весе служицятнеде) ды весе ломантнеде Инешкипазонтень ознотано.

Пазонъ ванстовиця минек мастордонть (лемезэ) весе эрицятнеде ды властень кирдицятнеде Вере Пазонтень ознотано.

Минек оштонть (лемезэ) эли минек веледентъ (лемезэ) эли Пазонъ чанствякс эрямо тарканок эйсэ весе оштнэде ды мастортнэде ды эйсэст кемиця эрицятнеде Вере Пазонтень ознотано.

Паро погодадонть, моданть сюпав касовкстнэде ды сэтьме шкатнеде Вере Пазонтень ознотано.

Ведьга укшныцятнеде, васолга якицятнеде, сэредицятнеде, вешницятнеде, полонс саезтнеде (пекстазтнеде ды панезетнеде) сынст идемадонть Вере Пазонтень ознотано.

Эрва кодамо ризкстэ, каждого, кежде ды нужачиде седеенек олякстомтомадо Вере Пазонтень ознотано.

Ванстомизь, идемизь, простямизь, Вере Паз, Эсь парочисэнтъ.

Иневанькс, инешнавиця минек Азораванть Пазонъ чачтыця Мария тейтерентъ, весе чанстань ломантнень (святойтнень) марто ледстязь эсь прянок ды ялганок ды весе эрямонок Христос Пазонтень алтасынек.

Н. Тонеть, Вере Паз.

Антифонт (изобразительнойть)

Васенце антифононтъ морамодо икелень озномась.

П. Инешкипаз! Вере Паз. Кинь инязорксчизэ а онкставиця, шнамозо превс а совавтовиця, ломанень вечкемазо а евтавиця, седеймарямозо певтеме. Тонсь, Менельмасторонь Кирдиця, варштак лангозонок ды те чанстязь храмонть лангс ды макст миненек ды мартонок озныцятненень Тонтъ певтеме седеймарямодот ды сюпавчидет.

Тонеть жо минек шнамонок ды суюконямонок. Тетянтень, Цёрантень ды Иневанькс Оймеялтонтень. Течи, свал ды пингеде пингес.

Н. Истя улезэяк.

Васенце антифонось

(102 Псаломось)

Н. 1) Шнак, монь ойдем Инешкипазонть.

Шназят Тон, Инешкипаз!

Шнак, монь ойдем Вере Пазонтъ!

Весемесь, мезесь монь потсо – те Сонзэ валдо лемезэ.

2. Шнак, монь ойдем, Инешкипазонть

ды илеть стувтне весе Сонзэ тевензэ.

Сон нолды тонтъ весе чумочит ды

леци весе ормат,

вансты эрямот стяконь пелемадо,

чансти эйсэть седеймарямосо ды сюпавчисэ,

максы паро мелеть коряс,

орелонь кондямо, одкспора тетъ велявты.

2) Седеймарямонь тевть топавты Вере Пазось, вансты лепштязь ломантненень мелест.

1. Сон панжинзе эсензэ кинзэ Моисейнень, Эсензэ тевензэ - Израилень цёратненень

2. Вечкиця ды паронь кандыця Инешкипазось – ламонь цидярдыця ды седей мариця, аволь педес пес кежиявтыця ды аволь пингеде пингес каршо молиця, сон аволь минек закононь колавксонок коряс тенек теи, ды аволь пежетенек коряс тенек максы.

1. Кода вере ашти менелесь моданть эйстэ, истямо покш Сонзэ седеймарямозо Сонзэ Эйстэ пелицятненень. Кода васоло ашти чилисемась, чивалгоманть эйстэ истя явинзе эйстэнек минек закононь колавксонок.

Кода тетясь цёранзо вечки, истя вечки Пазось Эйстэнзэ пелицятненень. Эдь сон содасы минек потмонок, а стувтни седе, што минь Сонзэ суронзо.

1. Ломанесь – сонзэ чинзэ – тикше енов молицят, теке паксясо цецят коськить.

2. Пуви ланганзо – ды арась сон,
ды а муеви тарказо.

1. Вере Пазонть жо седеймарямось Сондензэ пелицятненень пингеде пингес.

2. Сонзэ видечизэ цёратненень цёраст лангсо, конат ванстыть Сонзэ эрямонь лувонзо (завет), конат а стувтнить Сонзэ кармавтоманзо, ды эрить сынст кувалма.

1. Инешкипазось Эсензэ престолонзо ладизе менельс. Сонзэ масторонзо пезэ арась.

2. Шнадо Инешкипазонть весе сонзэ Армотне, конат кеме вийсэ топавтыть Сонзэ валонзо, Сонзэ кунсолось.

1. Шнадо Инешкипазонть весе Сонзэ ушмонзо. Сонзэ урензэ, конат топавтыть Сонзэ мелензэ.

2. Шнадо Инешкипазонть, весе Сонзэ тебензэ, весе таркатнесэ, косо сон топавты Эсь олянзо.

1. Шнак Инешкипазонть монь ойдем ды весемесь, мезесь монь потсо – те Сонзэ. Шназят Тон, Инешкипаз.

Д. Одс ды одс сэтьмечисэ Инешкипазонтень ознотано.

Д. Эрьва кодамо ризкстэ, каждого, кежде ды нужачиде седеенек олякстомтомадо Вере Пазонтень ознотано.

Д. Ванстомизь, идемизь, простямизь, Вере Паз, Эсь парочисэнтъ. Иневанькс, инешнавиця минек Азораванть Пазонь чачтыця Мария тейтерентъ, весе чанстянь ломантненень (святойтненень) марто ледстязь эсь прянок ды ялганок ды весе эрямонок Христос Пазонтень алтасынек.

Н. Тонеть, Вере Паз.

Ознома омбоце антифононтъ морамодо икеле.

П. Инешкипаз, Вере Паз! Ванстык Тонтъ раськетъ ды чанстик сонзэ поладксонзо. Тонтъ церьковантъ ванстык, тонъ храмонтъ вечкицятнень чанститъ. Илямизь кадо Тонтъ лангс кемицятнень.

Тонтъ инязорксчит, ды тонтъ Менельмасторот – те вий ды шнамо Тетянтень Цёрантень ды Иневанькс Оймеялтонтень, течи, свал ды пингеде пингес.

Н. Истя улезяк.

Омбоце антифонець (145-це Псаломось)

Н. Шнак, монъ ойдем, Инешкипазонть. Пингем перть карман шнамо Пазонтъ, карман моравтомо Пазонтъ туртов, зярс эрян мода лангсо.

1. Илядо кеме виевтнень лангс, ломанень цёратнень лангс, конатнесэ арась идема. Макссызь сынъ эсь оймест ды велявтыть эсь тарказост. Се чистэнтъ ёмитькак весе арсемаст.

2. Шнави се, кинь лездыцязо Иаковонъ Пазось. Кинь кемемазо Эсензэ Пазонзо лангс, менелентъ ды модантъ, морянтъ ды мезе сонзэ потмакссо теицянтъ лангс.

Пингеде пингес кемеманъ ванстыцянтъ.

Нарьгазтнень кис аштицянтъ,

Вешицятнень кшинъ максыцянтъ лангс.

Пазось олякстомты пекстазтнень,

Пазось теи неицякс сокортнэненъ,

Пазось вिति комавтозтнень,

Пазось вечки видечисэ эрицятнень.

1. Пазось вансты сыцятнень,

Иди урозтнэнь ды доватнень

Пежетев китнень теи чаво таркакс.

2. Пазось карми инязорокс пингеде пингес

Тонтъ пазось Сион, родсто, родс

(Слава и ныне). **Песнь императора Юстиниана**

Вейкине Цёра, куломанъ а содыця Инешкипазонъ Вал. Тон Мария Тейтерентъ,

Пазонь Аванть пельде ломанькс чачозь, ды мейле крест лангсо маштозь, Христос Пазонь, куломасо куломанть изниця Святой Троицясто вейкесь, Тетятъ ды Иневанькс Оймеялтонть ёндо шназесь, – идемизь минек.

Вишкине ектения

Д: Одс ды одс вейсэ Вере Пазонтень ознотано.

Н: Инешкипаз, ульть седеймарицякс (эрьва вешемантень). **Господи помилуй**

Д: Ванстомизь, идемизь, ульть седеймариця, Инешкипаз, эсесь парочисэ.

Д: Иневанькс, инешнавиця минек Азораванть Пазонь чачтыця Мария тейтерентъ, весе чанстызь ломантнень ледстызь, эсь прянок, ды ялганок, ды весе эрямонок Христос Пазонтень алтасынек.

Н: Тонеть, Вере Паз.

Колмоце антифононтъ морамодо икеле ознома

П. Тон, те вейсэнъ озксонтень пурныцясь ды лемет кис пуромозтненень вешемаст коряс максомо алтыцясь, течи уреть вешемаст топавтык –макст тенст Тонтъ видечинь содамо, тона чисэ жо – а прядовиця эрямо.

Тон – паронь теиця ды ломанень вечкиця Паз, Тонеть кучтано минек шнамонок. Тетянтень, Цёрантень ды Иневанькс Оймеялтонтень, течи, свал ды пингеде пингес.

Н. Истя улезэяк.

Колмоце антифон.

(Мф 5: 3-12). Блажены

Эсесь Менельмасторсо, Инешкипаз, ледстямизь минек, зярдо сат Тон тозонь.

1. Уцяскавт пурныцянь ойметне (сеть, кинь оймест пурныцянь) – сынст ули Менельмасторост.

2. Уцяскавт майсицятне – сынъ муить кенярдома.

1. Уцяскавт видечинь вешницятне – сынст седеест пештяви.

2. Уцяскавт кунсолыцятне (кроткие) – сыненст мода максови.

1. Уцяскавт седеймарицятне – сыненсткак Пазось ули седеймарицякс.

2. Уцяскавт ванькс седейтне – сынъ Пазонтъ нейсызь.

1. Уцяскавт сэтъмечинь ладицятне – сынст Пазонь ломанекс лемдясызь.

2. Уцяскавт видечинь кис паневтне – сынст ули Менельмасторост.

1. Уцяскавтадо тынь, зярдо Монь кисэ кармить панеменк, сяддомонк ды берянь валсо севномонк.

2. Кенярдодо, ломанть – казненк покш – Менельсэ.

1. (Шнамо).

2. (*И ныне*) (*Нейгак*).

Эрьвачинь антифонт

Васенце антифоновь (91:2 – 3,16 Пс).

1. Мельспаро Пазонь шнамось. Пазонь Аванть озноманзо коряс, Идиця, идемизь минек (*эрьва стихенть лангс припев*).

2. Мельспаро Пазонь шнамось ды Тонтъ леметь, Инешкипаз, моравтомась.

1. Мельспаро Валске марто Тонтъ седеймарямодо ды вень Тонтъ кемемадо евтнемась.

2. Виде минек Пазось ды арась Эйсэнзэ авидечи.

1. Шнамо.

2. (*И ныне*).

Омбоце антифон (Пс 92:1,5)

1. Пазось – Азор. Сон ашти эсензэ Инязоркчисэ.

Чанстязь ломанет озномаст коряс, Тон, Идиця, идимизь минек.

2. Пазось – Азор. Сон ашти эсензэ Инязоркчисэнзэ ды эсензэ певтеме вийсэнзэ (*эрьва стихенть лангс припев*).

1. Тень кувалт масторлангось кеме ды а сорновтовиця.

2. Тонтъ тонавтомат видедеяк видеть. Тонтъ Кудонтень улема, Инешкипаз, Иневанькс таркакс ламодояк ламо чить.

(*Слава и ныне*)

Колмоце антифон (94:1-5 Пс)

1. Садо, кенярдтано Пазонтень. Серьгедтяно Пазонтень, минек Идицянтень.

Пазонь дивань Цёра, идемизь минек, тонеть моравтыцятнень. Аллилуия (*Припевесь эрьва стихенть мельга*).

2. Стятано Сонзэ икелев шнамо вал марто ды моросо сергедтяно сонензэ:

1. Эдь Пазось – Инешкипаз

2. Инязор весе раськетнень лангсо.

Сонзэ кедьсэть масторонь весе морятне ды пандо прятне. Сонзэ кунсолы иневедесь, те Сон теизе веденть ды коське модантькак теизь Сонзэ кедтне.

ВХОД С ЕВАНГЕЛИЕМ

Евангелия марто совамо

Д. Инешкипазонтень ознотано.

Совамодо икеле ознома

П. Инешкипаз, Вере Паз. Вере менельсэ Тонтъ мелеть топавтомс армонь ды архангелэнь чинэнь ладиця, теик минек совамонок Тонтъ чанстев армот марто, конат служить Тонетъ ды шныть Тонтъ, вейсэнь совамокс.

Тонетъ жо минек шнамонок ды сюконямонок. Тетянтень, Цёрантень ды Иневанькс Оймеялтонтень. Течи, свал ды пингеде пингес.

Н. Истя улезэяк.

[Д. Баславик, церьковань кирдиця, чанстев совамонок.]

П. *(Баславазь)*. **Шнави Тонтъ частев ломанет совамось весе читнестэ: течи, свал ды пингеде пингес.**

(Весе ютыть икелев).

Д. *(Ломантненень евангелиянтъ невтезь)* **Содыця! Стятано сэтьместэ.**

Од сыщятнень литургиянь совамо морось. Придите поклонимся

Н. Совадо, сюконятано ды кумана лангс пратано Христоснэнь! Кулозетнестэ вельмезесь *(эли празникстэ: Паз Аванть озноманзо коряс, эли стяко чистэ: (во святой дивной)*. Пазонь Цёра, идемизь минек, Тонетъ моравтыщятнень: аллилуия.

Праздникенть ды храмонтъ тропартъ ды кондакт

[Д. Инешкипазонтень ознотано]

Трисвятоенть моравтомадо икеле молитва

П. Инешкипаз, Иневанькс таркасо аштиця, конань херувимтне ды серафимтне колмо чанстев моросо шныть. Конантень Менелень весе вийтне сюконить. Тон а улемасто эрямос весементь ютавтыця, эсеть енов молиця ломаненть мода лангс

нолдыця ды сонзэ весе эсеть казнесэ мазылгавтыця, вешицяненъ превень ды содамочинъ максыця, пежетень теицядо а нулгодиця, сынст ванстомс чумочинъ нолдамонъ ладиця, Тон, миненек, чумочисэ эриця тезэнь пурнавозтненень, мелень явиця, конантень ансяк бу церькованъ кирдицянтъ пельде шнамонъ валт марямс, кунсолык жо минекак, пежетевтненъ, колмо чанстев моронть ды седеймарямот коряс совак минекак, нолдыть весе арсезь ды апак арсе пежетенек, чанститъ минек ойменек ды рунгонок ды макст тенек паро мельсэ служамс Тонеть весе эрямонок перть, Пазонъ Авантъ ды весе чанстязь ломанеть, конат вансть Тонтъ мелеть весе пингетненъ перть, озномаст коряс.

Д: (*састо*) Баславамизь, кирдиця, (владыка) колмочанстев **трисвятого** моравтомантъ ушодомантень.

П: **Яко свят** Тон – Иневаньксат минек Инешкипаз. Тонеть кучтанояк шнамонок, Тетянтень, Цёрантень ды Иневанькс Оймеялтонтень.

Баславамондоть мейле лиси диаконось чанстязь кенкштненъ икелев ды мери аштиця ломантненень.

Д: ды пингеде пингес.

Н. Истя улезэяк.

Колмо чанстев морось (Трисвятое)

Инешкипаз, Инекемечи, Инеэриця, ульть седеймариця (*колмоксть*) (*Слава и ныне*).

Инешкипаз, Инекемечи, Инеэриця, ульть седеймариця.

Инешкипаз, Инекемечи, Инеэриця ульть седеймариця.

Д. Кармавтомизь, церькованъ кирдиця.

П. Шнави се, кие Пазонъ лемензэ кис сти.

Д. Баславик, кирдиця, престолонть.

П. Шназят Тон, Тонтъ Маторонъ престолось, конась кирдеви херувимтненъ вельде весе читнестэ: течи, свал ды пингеде пингес.

Д. Кунсолотано.

П. Сэтьмечи весеменень! **Мир всем!**

Ч. Тонть ойментеньгак.

Д. Содыця.

Ч. Прокименень вайгель (*Недлячинь прокименатнень текстэсь вайгельтнень коряс истя жо стякочинсетнень ды праздникенсетнень невтеви приложениятнесэ*).

Д. Содыця.

Ч. Святой апостолтнэнь тевдест ловнома.

[Эли Иаковонь соборной Кучоманзо эли (Петрань) ловнома. Эли: Римлянтнэненъ, эли Коринфянтнэненъ, эли Галатнэненъ) Павел апостолонть кучоманзо ловномась].

Д. Кунсолотано весе. **Вонмем.**

Апостолтнэнь ловномаст.

П. Сэтьмечи тонеть. **Мир ти.**

Ч. Тонть ойментеньгак.

Д. Содыця.

Ч. Аллилуиа.

Евангелиянтъ ловномадо икеле ознома

П. Кирвазть минек седейс, ломанень вечкиця Инешкипаз, Тонть Пазонть содамонь валдо ды панжить минек ойменек Евангелиянь валтнэнь чарькодемантень. Путт эйзэнек пелема Тонть паро кармавтомат икеле, штобу минь рунгонь весе толонок изнязь, ютавтовлинек эрямо тонть мелет ванозь.

Тон – минек ойменек ды рунгонок тонавтыця, Христов Пазонек. Тонеть кучттано минь шнамонок, Тонть азортомо Тетянтень ды Иневанькс, эрямонь максыця Оймеялтонть, течи, свал ды пингеде пингес, истя улезэяк.

Д. Баславамак монь, храмонь кирдиця – паро кулянь кандыцянтъ апостолонть ды Евангелиянь сермадыцянтъ (*лемезэ*).

П. (*баславазь*). Пазось, весемень шнавкс апостолонть ды Евангелиянь сермадыцянтъ (*лемезэ*) озноманзо коряс, максы тонеть паро кулянь кандыцянтень, покш вий марто вал минек Пазонть, Инешкипазонь Цёранть Иисус Христосонь тонавтоманзо эрямос ютавтомс.

Д. (Евангелиянтъ саезь) Истя улезэяк.

Д. (Ломантненень лисезь) Содыця! Стятано сэтьместэ! Марясынек чанстев Евангелиянтъ.

П. Сэтьмечи весенень. Посмотреть как мир всем – 2 варианта.

Н. Ды тонть ойментеньгак.

Д. (Евангелиянь сермадыцянтъ лемезэ) пельде Евангелия. Ловнома.

Н. Шнамо Тонеть, Инешкипаз. Шнамо Тонеть.

Д. Кунсолотано.

Евангелиянь ловномась

П. Сэтьмечи тетъ, виде валонь кандыця.

Н. Шнамо Тонеть, Инешкипаз. Шнамо Тонеть.

[Проповедь]

(Башка ектения)... Сугубая ектения

Башка ектения

Д: Весе седейсэнек, весе оймесэнек, весе мельсэнек Тонеть пшкадтяно.

Н: Вере Паз, ульть седеймариця.

Д: Вере Паз, весемень кирдиця, Минек тетянок, Инешкипаз, ознотано Тонеть, марямизь ды ульть седеймарицякс.

Н: Вере Паз, ульть седеймариця.

Д: Ульть седеймариця, Вере Паз, тонть ине вечкемат коряс, ознотано Тонеть, марямизь ды ванстомизь.

Н: Вере Паз, ульть седеймариця. **(трижды)**

П. Инешкипаз, Вере Паз, марик минек те башка вешеманок ды Тонть вечкемат коряс ульть тенек седеймариця ды кучт тенек эсь сюпавчидеть, конань минек ладсо, учи весе минек раськенек.

Д: Минек Ине тетядонть святейшей патриархтонть АЛЕКСИИНТЬ эли минек высокопреосвященной архиепископтонть ВАРСОНОФИИНТЬ, почтенной просвитордо, конась Христосонь дяконокс, весе клирдэнтъ (церковань лия весе служицятнеде) ды весе ломантнеде Инешкипазонтень ознотано.

Эште минь ознотано минек Пазонь ванстовкс мастордонть (лемезэ), весе народтонть, сонзэ властенъ кирдицятнеде ды пежетьтеме эрямонок ютавтсынек ваньксчисэ ды паро лувсо.

Эште минь ознотано пазонь чанствякс ломантнеде ды свал ледстневиця те храмонь ладицятнеде ды эрямосто туезь тетядонок ды ялакстонок, сазордонок пазонь уретнеде (лемест), тесэ ды эрьва косо мадезь аштиця православнойтнеде.

Эште минь ознотано седеймарямодо, эрямодо, сэтьмечиде, шумбрачиде, идемадо, пежетенек нолдамодо эсенек ды минек весе ялакстнэнь ды сазортнэнь (лемест).

Эште минь ознотано те храмонтень парочинь максыцятнеде ды сонензэ паро тевень теицятнеде, сонзэ эйсэ вajoдицятнеде, моравтыця ды Тонть икеле аштиця ломантнеде, Тонть пельде ине ды певтеме седеймарямонь учицятнеде.

П: Тон седеймариця ды ломанень вечкиця Паз. Тонеть кучтано минь шнамонок, Шнамо Тетянтень, Шнамо Цёрантень, Шнамо Иневанькс оймеялтонтень.

Н: Истя улезэяк.

Кулозтень ледстямонь ектения **Ектения об усопших**

Д. Ульть седеймариця Инешкипаз, Тонть покш вечкемат коряс, энялдтано Тонеть, марямизь.

Н. Инешкипаз, ульть седеймариця (*колмоксть*) (*эрьва вешемантень*).

Д. Эште минь ознотано Тонть кулозь уретнеде (*лемест*), сынст оймест оймамодо, пежетест нолдамодо.

Инешкипаз, совавтыть сынст оймест эрямо тов, косо видечисэ эрицятне муить оймамо.

Пазонь седеймарямо, Менелень мастор ды сынст пежетест нолдамо вештяно Инешкипазонть ды Христос Пазонок пельде.

Н. Макст, Инешкипаз.

Д. Инешкипазонтень ознотано.

Кулозтнеде ознома

П. Инешкипаз, ойметнень ды весе рунготнень лангсо азор, куломань ды идемевсень изниця ды Модамасторонь туртов эрямонь максыця Тонсь Вере Паз, оймавтыть оймест Тонтъ кулозь уретнень (*лемест*) валдо, кенярксов ды сэтьме таркасо, косо арасть майсемат, ормат, авардемат. Весе пежетест, конатнень сынъ теизь валсо, тевсэ, эли арсемасо, Тон, ломанень вечкиця Паз, нолдыть тенст, эдь арась истямо ломань, кона бу эрясь ды эзь совсе пежетьс. Ансяк Тон пежеттемат: Тонтъ видечит – пингеде пингес, Тонтъ законот – видедеяк видеть.

Тон – вельмема ды эрямо ды кулозь уреть туртов оймамо (*лемест*).
Христос минек пазонок, Тонеть минь кучттанояк шнамонок тонтъ Азортомо
Тетянень ды эрямонь максыця Оймеялтонть, течи, свал ды пингеде пингес.

Н: Аминь. **Истя улезяк.**

Д. Од сыщятнеде ознодо Инешкипазонтень.

Од сыщятнеде ектения

Д. Кемищятне, од сыщятнеде ознотано, Инешкипазонтъ тенст седеймарицякс улеманзо кис.

Н. Инешкипаз, ульть седеймариця (*эрьва вешеманть лангс*).

Д. ды чанствявлинзе эсь Валсонзо.

панжовлизе тенст Евангелиянтъ видечизэ,

сюлмавллизе сынст Эсензэ чанствязь вселенской Церькованть марто.

Идить, ванстыть, ульть тенст седеймариця, Инешкипаз, эсеть вечкемасот.

Д. Од сыщятне нолдасынек прянок Инешкипазонтъ икеле.

Од сыщятне: Тонтъ икеле Инешкипаз.

Од сыщятнеде ознома

П. Инешкипаз, минек Пазонок, вере эриця ды васов неиця. Тон ломанень раськенть ванстомс Эсеть вейкине цёрат кучиця, Иисус Христосонь минек Пазонок, варштак жо эсеть од сыця ломанеть лангс, конат нолдызь пряст тонтъ икелев, макст тенст пежетень нолдамо, сюлмить сынст Эсеть чанстев Церьковат марто ды Совавтыть эсеть раськеть юткс, штобу сынъгак шनावольть минек марто

тонть вечкевикс леметь, Тонть Тетянтъ ды Иневанькс Оймеялтонть, течи, свал ды пингеде пингес.

Н. Истя улезяк.

Д. Весе од сыщятне туеде.

Д. Весе од сыщятне туеде. Кадык весе туить од сыщятнеде.

Д. Весе кемищятне, одс ды одс сэтъмечисэ Инешкипазонть ознотано!

[Н. Инешкипаз, ульть седеймариця (*эрьва вешеманть лангс*).

Д. Ульть седеймариця. Идимизь, ванстомизь Вере Паз тонть вечкемат коряс.

Н. Инешкипаз, ульть седеймариця

Д. Содыця!

Васенце озномась

П. Сюкпря евтатано Тонеть, Инешкипаз. Менелень вийтнень азор, Течинь, Тонть жерственникентъ икелев минек пежетень нолдамонь, эсенек ды весе раськень кис вешищятнень, стявтыцянок. Марик, Вере Паз, минек озноманок, теимизь минек Тонеть озномо маштовицякс ды Тонеть казнень весе раськентъ пельде кандыцякс ды кемекстамизь минек, кинь Тон аравтыть те тевентень, Тонеть служамо. Мерть истя жо миненек Тонть Иневанькс Оймеялтсо паро мель марто пшкалемс Тонеть эрьва шкане, эрьва косо, штобу Тон минек кунсолось, улевлить тенек, Эсь вечкемат коряс, седеймарицякс.

Тонеть жо минек Шнамонок ды сюконямонок Тетянтень, Цёрантень ды Иневанькс Оймеялтонть течи, свал ды пингеде пингес.

Н. Истя улезяк.

Ине Ектения (нурькалгавтозь)

Д. Одс ды одс Инешкипазонть ознотано.

[Н. Инешкипаз, ульть седеймариця (*эрьва вешеманть лангс*).

Д. Верде максозь сэтъмечиде ды минек ойметнень идемадо Инешкипазонть ознотано.

Д. Весе Модамасторонть сэтъмечиде ды Пазонь церьковатнень кеместэ аштемадо, ды сынст вейсэндявомадо Вере Пазонтень ознотано.

Д. Храмонть ваньксчиде ды весемеде, кие совси эйзэнзэ Паздонть пелезь ды сонзэ вечкезь Инешкипазонть ознотано.

Д. Эсь прянок эрва кодамо майсемадо, кежде ды нужачиде ванстомадо Инешкипазонть ознотано.

Омбоце молитва

П. Одс ды одс, ламодояк ламоксть сюконятано Тонеть, ломанень вечкиця ды энялдтано Тонеть варштамс минек озксонок лангс, ванськавтыть минек ойменек ды рунгонок эрва кодамо рудаздо ды макст миненек паро мельсэ аштемс тонть казненъ путома таркат (жертвенникет) икеле. Макст жо, Инешкипаз, мартонок весе озныцятненень эрямосонть, кемемасонть ды видечинть чарькодемасонть удалов а кадовома, макст тенст, вечкезь ды пелезь тонеть служамсто апак сялдо, апак чумондо, тонть чанстев Таинстватнес причастямо ды Менелень масторов ки тенст панжт.

Д. Ванстомизь, идемизь, простямизь, Вере Паз, Эсь парочисэнтъ.

Н. Инешкипаз, ульть седеймариця

Д. Содыця!

П. Штобу минь Инязорксчисэт ванстовозтне, Тонть свал шनावлинек. Тетянтъ, Цёрантъ ды Иневанькс Оймеялтонть, течи, свал ды пингеде пингес.

Н. Истя улезэяк.

Н. *(Херувимской моронть 1-це пельксэзэ).* **Минь херувимтнэнь...**

Диаконось (эли предстоятельсь кадиласо сувты ды ловны 50-це псаломонть).

Церькованъ кирдицянть (предстоятельнъ) молитвазо эседензэ.

Херувимской моронть морамо шкасто.

П. *(Састо).* Киненьгак, конась сюлмавозь рунгонъ толтнэнь ды танстнень марто, а мереви модемс Тонть малас ды служамс Тонеть – Ине Азоронтень. Эдь Тонеть служамось – покш ды пелеманъ тев эстест Менелень вийтненень, ансяк Тон, а евтавиця ды покштояк покш ломанентъ вечкемать коряс, Тонсь ломанекс теевезь ды минек Васенце превспутыцякс улезь, ломаннень служамонть ды вертеме жертванть кандоманть миненек максык, кода Весементъ кирдиця. Эдь Тон вейкине минек Инешкипазонок аштят азорокс весемень лангсо мезесь менельсэ ды

моданть лангсо. Тон Херувимтнень кандтневкс престолсат серафимтнэнь азор ды Израилень Инязор, вейкине (пежеттеме) ды иневанькс таркасо аштиця.

Тень кувалма вешан пельдеть вейкине: варштак лангозон, пежетев ды ковгак а маштовикс Тонтъ служицят лангс (ды ванськавтык монь оймем ды седеем апаро мельтнеде) ды Иневанькс Оймеялтот вийсэ кемекстамак монь, Тонтъ чантявкс оршамопельсэ оршазенть, Тонтъ Престолот икеле аштеме ды Тонтъ Иневанькс рунгот ды питнейдеяк питней верет жертвакс максомо.

Прям нолдазь Тонтъ икеле, ушодан ды энялдан Теть иляк велявто Тонь чачот монь эйстэ, илямак пане Эсь цёрат ютксто, теке марто макст, штобу монь, пежетев Тонтъ служицят вельде, Тонеть максозь улелельть неть казнетне.

Тон Тонсь – кандыця ды кандовикс, саиця ды явшиця, Христос минек Пазонек, Тонеть кучтанояк шнамонок, Тонтъ Азортомо Тетянтень, эрямонь максыця Оймеялтонть, течи, свал ды пингеде пингес.

Херувимтнэнь моро

Кемицятнень литургиянь совамо морось

П. Минь эсь мельсэнек херувимокс прянок ловозь, эрямонь максыця Троицянть колмо чанстень моронть моразь, весе течи эрямонь тевтнень кадсынек ве ёнов.

Д. Сень кис, штобу вастомс Менельмасторонь Инязоронть, конанть вакссонзо Сонзэ а неявики армотне ды ангелэнь чинтнэ. Аллилуия, аллилуия, аллилуия (*колмоксть*).

П. (народонтень) Илямизь чумондо монь пежетевенть, сазортт ды ялакст.

Н. Тонгак илямизь чумондо, церьковань кирдиця.

П. (жертвенникенть вакссо кедень илямодо мейле). Инешкипаз, ульть седеймариця монень, пежетевентень.

Д. Кепедить, кирдиця.

П. (132: 2 Пс). Кепединк кеденк Иневаньксонтень ды Шнадо Вере Пазонтъ.

Ине совамо – анокстазь киинь ды винань кандомантень.

Проскомидийной ледстнемат.

Д. Минек Патриархонт Московонь ды весе Русень АЛЕКСИИНТЬ эли минек высокопреосвященной архиепископтонт ВАРСОНОФИИНТЬ, кадык ледстясынзе Инешкипазось Эсензэ Менельмасторсо весе читнестэ, течи, свал ды пингеде пингес.

П. Пазонь аравтовкс митрополитнэнь, архиепископтнэнь ды епископтнэнь ды весе Инешкипазонтень служиця чинтнэнь ды церьковань клирэнть те храмонь ялакстнэнь ды сазортнэнь.

Тынк ды весе православной (эли благочестивой) христиантнэнь кадык ледстясынзе Инешкипазось Эсензэ Менельмасторсо весе читнестэ: течи, свал ды пингеде пингес.

[Д. Кадык ледстясы Инешкипазось тонтъ пресвитерстват эсензэ Менельмасторсо.

П. *(дьякононтень)*. Кадык ледстясы Инешкипазось служиця диакоптнэнь Эсензэ Менельмасторсо весе читнестэ: течи, свал ды пингеде пингес.

Н. *(Херувимской моронь 2-це пельксэсь)*. **Менельмасторонь Инязоронть примамга ...**

П. *(Казнетнень стамбаро, престолонтъ лангс путозь)*. Пазонь лувсо эриця Иосиф, крестонтъ лангсто Тонтъ ванькстэяк ванькс рунгот, валтызе плащеницасо, тантей чине тикше марто сонзэ тапардызе ды од калмос путызе.

Ульнесь рунгозо калмосо, оймезэ – адсо, розбойник марто – райсэ Тетянзо марто - престолсо ды Иневанькс Оймеялтсо весементъ пештизе, валсо а евтавиця Христос.

Эрямонь максыцякс, райде седе парокс ды Инязоронь кудодо седе валдокс, миненек вельмемань максома таркакс теевсь, Христос, Тонтъ калмот.

(Казнетнень вельтязь) Пазонь лувсо эриця Иосиф, крестонтъ лангсто Тонтъ ванькстэяк ванькс рунгот валтызе, плащеницасо, тантей чине тикше марто сонзэ тапардызе ды од калмос путызе. *(Казнетнень кадиласо сувтамодо мейле – 50:20-21 Пс)*.

Инешкипаз, явт паро мель Тонтъ Сиононтень, стявт Иерусалимень стенат.

П. *(дьякононтень)*: Ледстемак монь, ялаксом ды служиця ялгам.

Д. (*церьковань кирдицянть*). Ледстясы Инешкипазось тонть пресвитерстват
Эсензэ Масторсо.

П. Ознок мондень, пазонь чанствякс ялаксом.

Д. (1:35 ЛК). Пазонь Ялтось валги лангозот ды Инешкипазонь виесь превс
путтанзат тонть!

П. Теке жо Ялтось лездазо тенек эрямонь весе чистэнек.

Д. Ледстямак монь, церьковань кирдиця.

П. Инешкипазось ледстятанзат эсензэ Масторсо весе читнестэ: течи, свал ды
пингеде пингес.

Вешемань ектения

Д. Поладсынек минек озноманок Инешкипазонть.

Н. Инешкипаз, ульть седеймариця (*эрьва вешеманть лангс*).

Д. Кандозь казнетнеде Инешкипазонть ознотано.

Д. Чанствязь храмдонть ды весемеде, кемезь, вечкезь ды эйзэнзэ Паздо пелезь
совицятнеде Инешкипазонть ознотано.

Д. Минек эрьва кодамо майсемадо, каждого, нужачиде ванстомадо
Инешкипазонть ознотано.

Д. Ванстомизь, идимизь, седеймаряк тенек, Инешкипаз, эсь вечкемасот.

Д. Парочи, сэтьмечи, пежеттемечи Инешкипазонть пельде вештяно.

Н. Макст Инешкипаз (*эрьва вешеманть лангс*).

Д. Сэтьмечинь армо – алкуксонь превспутыця, ойменек ды рунгонок ванстыця
– Инешкипазонть пельде вештяно.

Чумочинь ды пежетень нолдамо Инешкипазонть пельде вештяно.

Паро ды лезэв минек ойменек туртов, ды сэтьмечи Модамасторонть
Инешкипазонть пельде вештяно.

Сэтьмечисэ ды чумочинек кис янксемасо кадовозь эрямонок ютавтома
Инешкипазонть пельде вештяно.

Сэредькстэме, аволь пейдеманы ды сядомань эрямонь прядома ды паро ответ
Христосонь судсо вештяно. Иневанькс, ине шнавиця минек азораванть Паз Аванть
Мария тейтерень весе пазонь чанствякс ломантнень ледствязь, эсь прянок ды
вейкенек-вейкенек ды весе эрямонок Христос Пазонтень макссынек.

Н. Тонеть Инешкипаз.

Кандомань ознома

(проскомидиянь ознома – казнетнень престолс путомсто)

П. Инешкипаз! Весемень кирдиця, Вейкине пежеттеме, Тонеть пшкадицятнень шнамо валост мариця, марик минеккак, пежетевтнень, озноманок, кандык Тонть казненъ столентень (жертвенникентень) ды кемекстамизь минеккак Тонеть казненъ максомо ды духовной майсемань кандомо эсенек пежеттнень ды пежеттнень, Тонть раськенть ендотеезтнень, Тонть апак сода эрямо шкастонзо, ды макст тенек паро ёжо, штобу вечкевиксэкс улест минек казнетне ды штобу валговоль Тонть валдо Оймеялтот минек лангс, неть казнетнень лангс ды весе Тонть раськетъ лангс.

Тонть Вейкине цёрат, конань Тон вечксак, сюпавчинзэ коряс, весе чанстязь ломанет ды тонть эрямонь максыця Оймеялтот марто: течи, свал ды пингеде пингес.

Н. Истя улезэяк.

Сэтьмечинь максома

П. Сэтьмечи весенень.

Н. Тонть ойметеньгак.

Д. Тейтяно вечкевиксэкс вейкенек-вейкенек туртов (макстано вейке-омбоценень вечкемань ды сэтьмечинь палсема) штобу кемемс вейке лувсо.

Н. Тетянтъ, Цёрантъ ды Иневанькс Оймеялтонть. А явовикс ды вейке лувсо аштиця Троицянтъ.

П. (Пс,17:2-3). Вечкевиксэкс тейтян Инешкипаз, монь кемечим, Инешкипаз – монь кемечим, монь кекшема таркам (*Колмоксть*).

П. (*служия ялгатненень ды народонтень*) Христос минек ютксо! Сослужащиеи в алтаре: (*христосовазь*). Ули ды карми улемаяк.

Д. (*весемень вечкемань ды сэтьмечинь максозь*) Кенкштнень кенкштнень. (*Дьяконтнэ стить кенкиштнень лангс ды киньгак а нолдыть*).

Содыцянтъ марясынек.

Кемемань Символ

Д. (ды Н.) Кеман вейкине Инешкипазонть – Тетянтень Весемь лангсо азоронтень, ломаненть ды моданть, неяви́ксэ́ньт ды а неяви́ксэ́ньт лади́цянтень-теи́цянтень.

Ды вейкине Пазонтень Иисус Христоснэнь - Инешкипазонь вейкине цёранть, Тетянь пельде чачозентень, Валдосто – валдонть. Алкуксонь Пазонтень – Алкуксонь Пазонть пельде чачозенть, аволь ладязентень-теезенть (сотворенного) но, Тетянь марто велувсонть.

Минек ломантнень кис, ды минек идеманок кис менельстэ валгозентень ды Иневанькс Оймеялтонть ды Мария Тейтеренть пельде ломанекс чачозентень.

Ды крест лангс Понтей Пилатонь пингстэ чавозентень, майсицянтень ды калмазентень.

Ды, Писаниянь коряс, колмоце чистэ вельмезентень.

Ды Менельс кепедезевентень ды Тетянь вить енов озыцянтень.

Ды таго шнамосо Эрицянтень, Эрицянтень ды кулозтнень судицянтень, ды Иневанькс Оймеялтонть эрямонь максыцянтень, Тетянь пельде молицянтень ды Тетянь ды Церанть эндо Шназентень, пророктнень пельде кортыцянтень. Вейкине ды чанстев вселенской (или кафолической, соборной) ды Апостольской Церкованть.

Пежетень нолдыцякс, кеман, ансяк Крестьямонтень.

Учан кулозтнень вельмемаст ды сыця лия пингень эрямо. Истя улезяк.

Анафора (св.возношения)

Д. Стятано видестэ, стятано паро мельсэ, карматано вадрянь арсезь чанстев казненъ максомо.

Н. Седеймарямо, сэтьмечи, шнамонь казне.

П. *(народонтень)* Иисус Христосонь минек Пазонть парочизэ ды Инешкипазонть – Тетянь вечкемазо ды Иневанькс Оймеялтось улест минек весемень марто.

Н. Ды тонть ойметь мартояк.

П. Кепедьсынек верев кеденек.

П. Кепедьсынек Вере Пазонтень.

П. Сюкпря евтатано Пазонтень.

Н. Шнамо ды виде суюконамс Тетянтень, Церантень ды Иневанькс Оймеялтонтень. Вейкине Троицянтень, вейке лувсонтень ды а явовицянтень.

(Префацио)

П. Шнамо ды виде – Тонеть морамс морот, шнамс Тонтъ, суюпря евтамс Тонеть, Тонтъ масторонтъ эрьва таркасонть. Тон Пазось а содавицят, а евтавицят, свал эрицят, эсь лувсат, кода Тонтъ Цераткак ды Иневанькс Оймеялтоткак.

Тон чаво таркасто теимизь эрицякс, прамодо мейле одс стявтымизь ды эськельксэнь эскелькс теик весементь, зярс эзимизь кепеде менельс ды эзик максо тенек Менельмасторот.

Тень кис минь евтатано Тонеть суюпря, кода Тонтъ Церантень ды Иневанькс Оймеялтонтень весе содавикс ды а содавикс неявикс ды а неявикс парочит кис, конатнень теить миненек.

Суюпря евтатано Тонтъ те вейсэнь озксонтъ кис, конань Тон примик минек кедьстэ, кадык Тонтъ икеле аштитькак сядот архангелт ды ламо армот, херувимт ды серафимт кото селмосо, ламо сельмесэ, **селмо лангсо ливтницят, изнямонь моронь моразь, кортазь ды сергедезь:**

Н. Чанстев, Чанстев Саваофонь Пазось (лиякс, Менелень ушмотнень) Пешксе Менелесь ды Модась тонтъ Шнамодо. Идемась вере! Шнави сыця шкась Пазонтъ лемсэнзэ. Идемась вере!

П. Нетъ Тонтъ шнамо валтнэнь марто, миньгак Вере Паз, сергедтяно ды кортатано: Чанстеват, веседеде чанстеват Тон, кода Тонтъ вейкине Церат ды Тонтъ Иневанькс Оймеялтот. Тон чанстеват ды веседеде чанстеват ды ойме кенярдовты Тонтъ шнамот.

(Анамнесис)

Тон модамасторт теик эстетъ пек вечкевиксэкс, ды Эсеть вейкине Церат максык, штобу Сонензэ эрьва кемицясь, илязо маштово (куло), ды максоволь бу тензэ певтеме эрямо. Сон жо, сазь ды минденек весе мелеть топавтозь, се вестэнтъ, зярдэ ульнесь миезь, виде ули Сон сонсь миизе эсензэ прянзо модамасторонь эрямонтъ кис, эсензэ ванькс ды пежеттеме кедьсэнзэ кшинть, суюпрянь евтазь, чанстязь, синдизе ды максызе эсензэ тонавтницянстэнь ды апостолонстэнь, мерезь:

“Саинк ды варчинк тень – Монь рунгом, кона синдеви, тынк пежетенк нолдамга”.

Н. Истя улезэяк.

П. Истя жо чокшнедень мейле кече макссь, кортазь:

“Симинк сонзэ эйстэ весень, – те Од Лувонь Монь верем, тынк кие ды лиянь ламонь кис валовицясь, тынк пежетенк нолдамга”.

Н. Истя улезэяк.

П. Истя, те идиця кармавтоманть ледстнезь, ды весемесь мезесь минек кисэ теезель: крестось, калмось, колмо чиде мейле вельмемась, менелев кепедемась, Тетянзо вакссо вить ено аштемась ды эште омбоце самось (*киинть ды винанть кепедезь*) Тонть.

Тонть эйстэ Тонеть максозь, веседе ды весемень кис (эли свал ды эрьва косо).

Н. Тонть шнатано, Тонть моравттано, Тонеть евтатано сюкпря. Вере Паз ды Тонеть ознатано Минек Пазонк [*Колмоце часонь тропаресь, стих марто*]

(Эпиклесис) Еще приносим

[Господи иже пресвятаго Твоего Духа...

Пазом, тейть монь эйс ванькс седей, од ды кемевикс оймеялт макст монень.

Илямак пане монь Эсь чамат икельде, ды иляк сае Эсеть Иневанькс Оймеялтонть монь эйстэ.]

П. Теде башка минь Тонеть кандтано духовной ды верень апак вало служамо, энялдтано, сюконятано: кучик Тонть Иневанькс Оймеялтот минек лангс ды икеленек аштиця казнетнень лангс.

Д. (Баславик, кирдиця, чанстев кшинть).

П. Ды теик те кшинть – Христосонь Иневанькс Рунгокс.

Д. [ды Н] Истя улезэяк.

[Д. Баславик, кирдиця, чанстев кеченть!]

П. Сень жо, кечесэнтъ – Тонть Христосонь Иневанькс Верекс.

Д. [ды Н] Истя улезэяк.

[Д: Баславить, кирдиця, сынст вейсэ!]

П. Полавтыть сынст Тонть Иневанькс Оймеялтсот.

Д. Истя улезэяк, истя улезэяк, истя улезэяк.

Д: Ледстямак монь, чанстев, кирдиця, пежетевенть!

П. Ледстятанзат тонть Вере Пазось эсензэ Менель масторсо весе читнестэ: течи, свал ды пингеде пингес.

Д. (*туезь*): Истя улезэяк.

П: Эдь сынъ (причастить) сюлмить пряст те церькованть марто, оймень ваньськавтомань, пежетень нолдавтомань Тонть Иневанькс Оймеялтот марто валонь муемань, Менельмасторс кинь панжомань ды аволь судс эли сяддомас пачкодемась кис.

(Интерцессия)

Эште минь кандтано Тонеть те духовной службанть эрямосто туезь минек: бодянок, тетянок, пророконок, апостолонок, евангелиянь сермадыцянок, тонавыцянок, майсицянок, исповедникенек, проповедникенэк кемемаст кисэ.

Ды сехте пек Иневанькс, Ине шнавиця [минек Азораванок] Пазонь Чачтыцянь Мария тейтеренть кемеманзо кисэ.

Н. (*Казнетнень кадиласо сувтамодо мейле*). Шнамонь тев те Тонть, Пазонь Ава, мелет ваномась вечкевиксэнть ды пежеттевтемень. Херувимтнэде седе шнавиця, серафимтнэде пек лововиця, тейтерьксчинь апак кола Пазонть – Валдонть чачтыця, Алкуксонь Паз Аванть – Тонть шнатано!

П. Ды Пазонь чансть марто Иоаннонь, содыцянь, икеле молицянь ды Крестицянь кисэ. Весе ендю шназь содавикс апостолтнэнь кисэ, чанстязь ломантнень, кинь течи ледстнетяно (*лемест*) ды весе тонть чанстезь ломанест кисэ, панжить сельменек Вере Паз.

Ледстить весе кулозетненьгак. Вельмема ды Певтеме эрямо лангс кемезь (*лемест кить ледстявить*) ды оймавтыть сынст тосо, косо валдокс неяви Тонть чачот.

Эште энядтано, Вере Паз, ледстить весе епископтнень православнойтнень, видестэ Тонть видечинтень тонавыцянтнень, весе пресвитортнэнь, Христостнэнь служиця дьяконтнэнь ды служиця лия чинтнэнь.

Эште минь тейтяно Тонеть те озксонть весе моданть кис, вселенской святой (эли кафолической соборной) ды апостольской Церькованть кис. Ванькс мельсэ,

Тонеть кемиця эрицятнень, Пазонь ванстовикс минек масторонок (*лемезэ*), весе народонть, сонзэ властенъ кис. Макст Вере Паз сыненст сэтьме азорксчи, штобу миненекак сэтьмечисэ, покш мельявкстома эрямонок ютавтомс, ваньксчисэ ды валдо ойме марто.

Ледстинк, Вере Паз, минек ошонок (*лемезэ*) (*эли веленек (лемезэ)*), конаньсэ эрятано [*эли св. обителентъ, конаньсэ эрятано*], ды весе оштнень ды мастортнень ды эйсэст кемема марто эрицятнень.

П. Васенцетнень ютксо ледстик, Минек Ине тетядонть святейшей патриархтонть АЛЕКСИИНТЬ эли минек высокопреосвященной архиепископтонть ВАРСОНОФИИНТЬ, ды макст сыненст служамс Тонть чансть марто церьковантень (церьковатненень) паро шумбрачисэ, ломанень вечкемасо, видестэ Тонть валот топавтозь.

Н: Ды весе (*тесэ аштицятнень*) ялакстнень ды сазортнень (*народось повтори мельганзо*).

П. Ледститъ Вере Паз, укшныцятнень, ки лангсотнень, сэредицятнень, майсицятнень, полонсотнень [пекстазетнень ды панезетнень] ды сынст идемадост.

[Ледститъ Вере Паз Тонть эрий] ломанентькак (*лемест*).

Ледститъ Вере Паз, казнень кандыцятнень ды Тонть церьковат туртов паро тевень теицятнень, нужачисэ эрицятнеде мелявтыцятнень

ды минек весень лемс Тонть седеймарямот (вечкемат) кучик ды макст миненек вейсэнъ валсо ды вейсэнъ седейсэ шнамс Тонть мазый лемет Тетянтъ, Церанть ды Иневанькс Оймеялтонть течи, свал ды пингеде пингес.

Н. Истя улезэяк.

П. (*Народонтень*) Ды карми улеме Иисус Христосонь, минек Идицянтъ, кода Инешкипазонтькак вечкемаст ды седеймарямоост тынк весемень марто.

Н. Ды тонть оймет мартояк.

Вешемань ектения

Д: Весе Пазонь чанстязь ломантнень ледстязь одс ды одс сэтьмечисэ Вере Пазонтень ознотано.

Н. Инешкипаз, ульть седеймариця (*эрьва вешемать лангс*)

Д. **о принесенных и освященных** Кандозь казнетнеде Инешкипазонть ознотано.

Д. Кандозь Вере Пазонть ды чанстязь казнетнеде ознотано, штобу ломанень вечкиця минек Пазось, Эсензэ менелень духовной жертвенникензэ лангс саезь, кода духовной кеняркс, максовлизе бу тенек эсензэ парочинзэ ды кода казне – Эсензэ Иневанькс Оймеялтонзо – ознотано!

Эрва кодамо ризкстэ, каждого, кежде ды нужачиде седеенек олякстомтомадо Вере Пазонть ознотано.

Ванстомизь, идемизь, простямизь, Вере Паз, Эсь парочисэнтэ.

Н: Вере Паз, ульть седеймариця.

Д: **Сэтьме, чанстезь, пежеттеме чи Вере Пазонть кедьстэ вештяно.**

Посмотреть

Н: Макст, Вере Паз... (эрва вешеманть лангс)

Д: Сэтьмечинь армо – конась превспутыця, минек ойменек ванстыця – Пазонть пельде вештяно.

Минек пежетенек нолдамо, прянок туртов простямо – Вере Пазонть кедьстэ вештяно.

Паро ды лезэв минек ойменек туртов ды сэтьмечи масторонок туртов – Вере Пазонть кедьстэ вештяно.

Кадовозь эрямонок сэтьмечисэ ды Пазонть икеле янксемасо печтявомадо – Вере Пазонть кедьстэ вештяно.

Христианинэнь лувсо, ормавтомо, аволь визькс, сэтьмечисэ минек эрямонок прядовомадо ды паро ответтэ Христосонь ине судсонть вештяно.

Синдемадо икеле ознома

П. Тонеть, ломанень вечкиця Ине Азор, алтатано весе минек эрямонок ды кемеманок ды Тонеть энялдтано ды вештяно: явт мель тенек валдо ойме марто причастявомс те чанстев духовной тарканть вельде Тонть менелень ине Таинстванть пежетнень нолдамонь, эрямонь лувонь коламонь простямонь, Иневанькс Оймеялтонь марямонь ды Менельмасторов кить панжомань кис, ансяк аволь судс ды сяддолмакс прамонь кис.

**Ды мертть тенек, Ине Азор, апак чумондо лемдямс Тонтъ Менелень
Пазонтъ – Инешкипазокс, минек Тетякс ды моравтомс Тонеть:**

П и Н (Мф, 6:9–13) **Отче наш.** Инешкипаз, Менелень Тетянок! Шнавозо Тонтъ
леметь, топавтовоzo Тонтъ мелет, улезэ Тонтъ азорксчист моданть лангсо, кода
менельсэ, эрьва чинь кши макст тенек, простить апандоманок, кода минь
простятано тенек апандыцятненень, илеть сявадовто сельменек ды теке марто
олякстомтымизь идемевстенить.

**П. Эдь Тонтъ – Мاستорот, Вий ды Шнамо Тетянтъ, Церанть ды
Иневанькс Оймеялтонтъ течи свал ды пингеде пингес.**

Н. Истя улезэяк.

П. Сэтьмечи весенень!

Н: Тонтъ ойметеньгак

Д. Прянок эсенек Вере Пазонтъ икеле нолдасынек.

Н.: Тонтъ икеле, Вере Паз.

Прянь нолдамонь ознома

П. Сюкпря евтатано Тонеть, а неявикс Инязор. Тонь а онкставиця вийсэт
весемень теиця, чаво таркасо эрямос весемень ветиця. Тонсь Ине Азор варштак
Менельстэ Тонтъ икеле прянь нолдыцятненень лангс. Сынь нолдызь прят аволь
ломанень икеле, Тонтъ Ине Пазонтъ икеле ды сыця шканть ладик тенек весенень
паро ладсо ды эрьванть нужачинзэ коряс: укшныцятненень ильтить, ки
лангосотненень ульть моли ялгакс, сэредицятненень лецить, кода минек рунгонь ды
оймень врач.

**Тонтъ вейкине Церат ломанень вечкеманзо, седеймарямонзо ды паронь
арсеманзо коряс, кона Тонтъ ендо шनावикс ды вечкевикс ды эрямонь
максыця, Тонтъ Иневанькс Оймеялтот марто, течи, свал ды пингеде пингес.**

Н. Истя улезэяк.

П. *(чанстязь Киинть совавтомадо икеле).* Марямизь, Вере Паз Иисус
Христос, Минек Пазонек эсесь Иневанькс эрямо таркастот ды сак, штобу чанстямс
минек. Тон эсесь Тетят марто Менельсэ аштиця ды минек марто а неявиксэкс
улиця, максык миненек Тонтъ Иневанькс рунгот ды питневтеме Тонтъ Верет *(эли,*

причастямизь минек, эли явт тенек эсь пелькстэ) ды минек вельде – весе Тонть раськентень.

[**П и Д:** Вере паз, ульть тень, пежетеветень седеймариця] (*колмоксть*)

Д. Ванодо тей! **Вонмем**

П. (*Чанстязь киинть кепедезь*) Чанстязенть – Чанстязетненень.

Н. Вейкине Чанстязесь, вейкине Святоесь, Вейкине Пазось – Иисус Христос, Тетянтъ Пазонтъ – шнамозо!

Д: Синдик, кирдиця, чанстязь кшинть.

П. Синдеви ды явови Пазонь Агнецесь, синдевиця ды а явовиця, свал сэвевиця ды зярдояк а маштыця, причастицятненень чанстиця.

Д: Пештик, кирдиця, чанстязь потирэнтъ (кечентъ).

П. (*Чанстязь потирэнтень симемапелентъ каязь – лиякс мерезь, Христосонь рунгонзо ды верензэ эрямонь ялтсо сюлмазь*): Весемесь Оймеялтонть марто вейсэндязь.

Д: Истя улезэяк. Баславикс, кирдиця, лембечинть.

П. (*баславазь*). Шнави Тонть чанстязь таркань лембечись, течи, свал ды пингеде пингес. Истя улезэяк.

Д. (*потерэнтъ чанстязь*) Кемемань лембечи, Иневанькс Оймеялтсо пештязь, Истя улезэяк.

Чанстязь кшинь пельксэсь явови алтарьсэ причастямонтъ туртов.

[**П.** (*коень коряс, сэтьместэ*). Нолдыть, стувтыть простить Вере Паз, минек пежетенек, конань теинек эсь олясо ды аволь, валсо ды тевсэ, содазь ды апак, чить ды веть, превсэ ды арсемасо – весеметь, эсеть парочит ды ломанень вечкемат коряс, простик тенек].

П: [*Ознотано весе церькованек:*] Кеман, Вере Паз, ды мельсэ кирдян – Тон – алкукс Христос – Эрий Пазонь Цера, модамасторов пежетеветень идеме сыця, конатненень эйстэ васенцесь – мон. Эште кеман, што те – Тонть иневанькс Рунгот, те жо – Тонть сехте питней Верет. Ознан жо Тонеть: ульть тень седейммариця, нолдыть пежетен монь, теезтненень эсь олясо ды аволь, валсо ды тевсэ, содазь ды апак, мерть тень апак судя причастявомс Тонть ванькстояк ванькс Таинствазот пежетень нолдавомс ды певтеме пингень эрямос пачкодемс. Истя улезэяк.

Тонтъ Тайной Чокшнень улицякс течи моньгак теемак, Пазонь Цера, мон Тонтъ ятотнень туртов тайнат а евтасынь ды а палатан, кода Иуда, но теке разбойникесь пшкадян Тонеть: ледстямак монь, Вере Паз, Эсеть Маторсо.

Аволь судямс ды аволь сядомс карми улеме монень Тонтъ причастямот, но оймень ды рунгонь лецямс.

Алтарьсэ причастямось

Причастиямонь стих

П.: Дьякон, ушодык.

Д: [Вана, мон ушодан. Пазонтень ды Минек азоронтень]

Максык монень, Кирдиця, Иисус Христосонь, минек Идицянтъ ды Пазонтъ Иневанькс рунгонзо. **Преподаждь мне Владыко**

П.: Свящедьякононтень (*лемезэ*) максови Иисус Христосонь минек Идицянтъ Пазонтъ Иневанькс, рунгозо сонзэ пежетензэ нолдамс ды певтеме пингень эрямос пачкодемс.

П. (*причасти сонсь*) Вана монгак ютан минек Пазонтень Азоронтень Иисус Христосонь Минек Идицянтъ ды Пазонтъ святой ды Иневанькс рунгозо максови монень, пресвитеронтень (*лемезэ*) монь пежетем нолдамс ды певтеме пингень эрямос пачкодемс.

Иисус Христосонь Минек Идицянтъ Пазонтъ честной ды Иневанькс верезэ максови монень, пресвиторонтень (*лемезэ*) монь пежетен нолдамс ды певтеме пингень эрямос пачкодемс.

Истя улезэяк.

П. (*Ис. 6:7.*) Вана те токась монь турвас, паньсынзе сон законь колавксон ды пежетте монь ваньскавтсамам. **Се прикоснуса устам моим**

П. Дьякон, ушодык.

Д. Вана, мон ютан Куломань а содыця минек Пазонтень ды Инязоронтень. Макст монень, кирдиця, Иисус Христосонь минек Идицянтъ Пазонтъ честной ды Иневанькс Верензэ. **Се приходу ... кровь**

П. Пазнэнь Служицянтень дьякононтень (*лемезэ*) максови Иисус Христосонь минек Идицянтъ Пазонтъ честной ды Иневанькс Верезэ пежетень нолдамс ды певтеме пингень эрямос пачкодемс.

(Дьякононтень причастямодо мейле). Вана те токась тонть турвас ды паньсынзе тонть законнь колавксот, ды пежетнеде тонть олякстомтонзат.

Явнови св Агнецесь (киш пелькстнэ) ды анокстави чанстязь кечесь народонть.

Храмсо народонь причастиямось

Д. *(Инязоронь кенкиенть лангсо народонть).* Паздонть пелезь, кемезь [ды вечкезь] ушододо!

Н.: Шनावи се, кие Пазонть лемензэ кис сась, Пазось – Азор, Сон валдомсь миненек.

П.: *(причастязь):* Пазонь ломанентень *(лемезэ)* максови Иисус Христосонь минек идицянтъ Пазонть честной ды Иневанькс Рунгозо ды Врезэ сонзэ пежетензэ нолдамс ды певтеме пингень эрямос пачкодемс. **Причащается**

[Истя улезэяк]

Н.: **Тело Христово** Христосонь Рунгонзо приминк, куломань а содыця лисьмапрясто симиде *(моравтови Храмсонть причастямо шкастонть)!*

Причастямодо мейле

Д.: **Воскресение Христово** Христосонь Вельмеманзо неезь, сюконятано Иисус Пазонтень, вейкине пежетевтементень. Тонть Крестонтень сюконятано, Христос ды тонть Вельмемат моравттано ды шнатано, Тон Минек Пазонок ды лия минь а содатано ды минь Тонть тердтяно. Садо весе кемицятне, сюконятано Христосонь вельмемантень. Эдь Крестонтъ вельде сась кенярксось весе модамасторонть. Свал Пазонть шназь, моравтано Сонзэ Вельмеманзо. Сон минек кис крест лангет чавома цидярдсь, куломасо куломанть изнизе.

Валдомт жо, валдомт од Иерусалим, – Вере Пазонть шнамозо тонть лангс кирвазсь, течи кенярдт ды празновак Сион, тон жо Пазонь чачтыця тейтерь, кенярдт тонть Чачтозентъ вельмемантень.

Христос – Ине покш ды Ине ванькс Пасха, Содамочи, Пазонь Вал ды Вий, макст тенек теевемс Тонеть седе малавиксэкс Тонть Мاستоронтень.

П. *(диакостонть Кечентень кадовозь паморкстнэнь нардазь).* Эсеть иневанькс Верьсэ шлямизь пежетнеде, Ине Паз, весень, кить ледстневсть тесэ, Тонть чанстевкс ломантнень озномаст коряс. **Отмый Господи**

* * *

П. *(народонь баславазь, прядомс Пс.27:9): Спаси Божє* Идик Вере Паз, Тонть раськенть ды шнык Тонть поладксот.

Н. *Видехом свет* Минь неинек алкуксонь Валдо, приминек Менелень Оймеялтонть, ознозь а явовикс Троицянтень, муинек алкуксонь кемема. Сон – минек идицянок.

П. (Пс. 56-12): *Вознесися на небеса Божє* Менельде верев, Паз кепедевть сравтык моданть ланга Тонть шнамот. *(Кеченть жертвеникенть лангс кандозь)* Шнави минек Пазось *(народонтень)* весе читнестэ: течи, свал ды пингеде пингес.

Н.: Истя улезэяк. Вере Паз, кадык пешкедить минек седеенек Тонть Шнамодо, Тонть моравтомс, эдь Тон мерить тенек причастявомс Тонть Пазонь, куломань а содыця ды эрямонь максыця Таинствазот. Ванстомизь минек Тонть чаньстытсэ, Тонть видечизэ арсицятнень. Аллилуия, аллилуия, аллилуия.

Ектения

Д.: Стятано паро мельсэ! Чанстев, ванькс, свал эриця, менелень ды эрямонь максыця, пелевтиця Христосонь Таинстватнес причастязь, весе седейсэнек евтатано сюкпря Вере Пазонтень.

Н.: Вере Паз, ульть седеймариця.

Д.: Ванстомизь, идимизь, седеймакряк тенек, Вере Паз эсь парочисэт.

Н. Вере Паз, ульть седеймариця.

Д. Чинть сэтьмекс, пежеттемекс, чанстевекс вешезь, эсь прянок, вейкенек вейкенек ды весе эрямонок Христос Пазонтень алтасынек.

Н.: Тонеть, Вере Паз!

Сюкпрянь евтамонь ознома

(весень причастиямодо мейле)

П. Сюкпря евтатано Тонеть, ломанень вечкиця Азор, минек ойменек туртов паронь теиця, сень кис, што течи Тон мерить тенек причастявомс Тонть менелень пингеде пингес эриця таинствазост! Теик минек кинек видекус, кемекстамизь минек пелемасот. Ванстык минек эрямонок, кемекстыть минек эскельксэнек Шнавиця

Мария Тейтеренть, Пазонь чачтыця Аванть ды весе Тонть чанстязь ломанет озномаст коряс.

Тон – минек чанстенек, Тонеть кучтанаяк Шнамонок, Тетянтень, Церантень ды Иневанькс Оймеялтонтень, течи, свал, ды пингеде пингес.

Н.: Истя улезэяк.

П. (*Кезэрень нолдамо*): Сэтьмечи марто тутано!

Н. Пазонть лемензэ марто.

Д. (*храмстоннтъ лисемстэ*): Вере Пазонтень ознотано!

Заамвонной ознома

П. Вере Паз, Тонть шныцятненень паронь максыця ды Тонть лангс нежедицятненень чанстиця, идик Тонть раськенть, шнык сонзэ поладксонзо, целакс эсь церковат ванстык, Тонь храмонтъ мазычинзэ вечкицятненень чанститъ. Тон жо эсь Пазонь вийсэнтъ шныть сынст ды илямизь стувто минек, Тонть лангс кемицятненень. Макст сэтьмечи Тонть масторонтень, Тонть церковатненень, сынст эйсэ служицятненень, минек прявтнэнень, ды весе Тонть раськентень.

Весе паро тевтненень ды весе парочись лиси верде – Тонть эйстэ. Валдочинь тетястонть, Тонеть кучтанояк шнамонок, сюкпрянок ды сюконямонок, Тетянтень, Церантень ды Иневанькс Оймеялтонтень, течи, свал ды пингеде пингес.

Н.: Истя улезэяк.

Ознома “сосудонь ванстома таркасо”

(*чанстезь казнетнеде ярсамс*)

П. Закононь ды Пророктненень пешксечись – Христос минек Пазонок, Тон топавтыть Тетятъ весе кармавтоманзо, минек седеенек жо пештитъ кеняркссо течи, свал ды пингеде пингес. Шназь ули Пазонть лемезэ, те чистэнтъ саезь ды пингеде пингес (*колмоксть*).

Седе тов эрси киинь явшема – антидоронь ды просфирвань.

Псалом 33

Н. Мон свал инелгавтнян Азоронтъ, апак лотксе мон шнан Сонзэ.

Азорось - монь ойментъ шнамопелезэ, марясызь тень сэтьметне ды кармить эрьгелеме.

Шнадо Азоронть монь марто, Сонзэ лементь вейсэ инекс тейсынек.

Мон вешнинь Азоронть, Сон маримим монь, ды идимим монь весе пелемачитнеде.

Кить ваньть Сонзэ лангс, сетне сияждыть кенярдомасо, ды сынь а прыть визьксчамас.

Мон, пиштыкась, тердия Азоронть, - ды Сон маримим монь ды идимим весе зыянтнэнь эйстэ.

Азоронть ангелэсь вансты сетнень, кить пелить Азоронть мельде, ды иди эйсэст.

Варчинк ды несынк, кодамо паронь кандыця Азорось. Уцяскав ломанесь, кона кеми-нежеди Сонзэ лангс!

Весе Сонзэ иневанькстнэ, пеледе Азоронть мельде, эдь а ули кодамояк арасьчист Сонзэ мельде пелицятнень.

Од левтне пиштить ды кандыть вачочи, а вана Азоронть вешницятне мезеньгак кувалт а пиштить.

Эйкакшт, садо, кунсоломизь монь: тонафтадызь тынк пелеме Азоронть мельде.

Бути ули ломаненть мелезэ эрямс ды вечкемс кувака пинге, парочинь неемга, сестэ кирдезэ келензэ апаро валдо ды кургонзо кенгелемадо,

туезэ ве ёнов зыяндонть, теезэ паро, вешнезэ ладямо-оймамо ды бажазо тенень.

Азоронть сельмензэ неить видечисэтнень, пилензэ марить сынст авардемаст-рангомаст.

Азорось велявты чачонзо зыянонь теицятнень эйстэ, истя нардамс сынст моданть лангсто ломантнень мельстэ-превстэ.

Зярдэ тердить видечисэтне, Азорось мари эйсэст, ды весе ризксэст-мелявксост эйстэ идесынзе.

Азорось маласо талныця-мелявтыця седейтненень ды иди синдезь-тапазь ойметнень.

Ламо ризкст-мелявкст пракшныть видечисэнтэ лангскак, ды весе сынст эйстэ Азорось идесы сонзэ.

Сон вантсынзе весе сонзэ ловажанзо: вейкеяк эйстэст а ули синдезь.

Пежетевенть чавсы-маштсы эсензэ зыянось, ды видечинь ломаненть авечкицятнень чумост ули пандозь.

Азорось идесынзе Эсь урензэ оймест, ды кияк Сонзэ лангс кемицятнень-нежедицятнень эйстэ а ули чумондозь.

П. (*народонть туеме баславазь*) Пазонтъ чанстезэ лангсонок, сонзэ парочинзэ ды ломанень вечкеманзо коряс, течи, свал ды пингеде пингес.

Н. Истя улезэяк.

П. Шнамо тонеть Христос Пазонок, Минек кемеманок, шнамо Тонеть.

Н. (*Шнамо ды теченияк*) Вере Паз, ульть седеймариця (*колмоксть*).
Баславимизь.

Нолдамо

П. (*Коень коряс – кедьсэнзэ крест марто*): [кулозестэ вельмезь] Христос, минек алкуксонь Пазонок эсензэ Иневанькс Аванзо, чанстязь весень шнавкс апостолонзо, Иоанн чанстязь тетянок, Константинополень архиепископонтъ Златоустонь, чанстязтнень (*храмонь ды чинь чанстезь ломантнень*) ды весе чанстязтнень озномаст коряс, улезэ тенек седеймарицякс Пазось ды идесамизь минек Эсензэ парочисэнзэ ды ломанень вечкемасонзо.

Н. (*ламо иень (многолетие)*): Ине Азоронок ды Тетянок минек...

[*Эли: Кемечисэ Тонтъ лангс кемицятнень кемекстыть, Вере Паз, Церькованть, конань тон стявтык Эсеть Верьсэ*].

Благодарственные молитвы Сюкпрянь евтамонь ознома

П. (*трапезанть прыдомадо мейле*) Шнамо Тонеть, Вере Паз, Инешкипаз.

Васенце озномась

Ч. Сюкпря евант Тонеть (Инешкипаз), Вере Паз, што тон эзить нулгоде эйстэнь пежетевдентъ, максыть тень Тонтъ Иневаньксонтъ марто вейсэндявомс. Сюкпря Тонеть Тонтъ Менелень казнетъ варчамонтъ кис. Ломанень вечкиця Азор, минек кис кулыця ды вельмиця ды минек ойменек ды рунгонок чанстямонь ды сынст паро енксонь кис неть пелемань ды эрямонь кандыця Таинстватнень максыця, максст жо, штобу сын моненьгак улевельть ойдем ды рунгом туртов ормаменстицякс, ятто ванстыцякс превень максыцякс, оймень виень сэтьмечисэ кирдицякс, кемемам кемевтицякс, вечкемам а кенгелицякс теицякс, тонтъ кармавтомат топавтыцякс, Тонтъ парочит ванстомга ды Тонтъ Масторозот

кепедемга. Эдь мон, сынст эйсэ Тонть чанстьсэ ванстозесь, эрва чистэ ледстнинь Тонть парочит ды эринь уш аволь эсень кис, но Тонть кис, Минек Азоронть ды Паронь Теицянтъ. Зярдэ жо явован те эрямонть марто, эрямонть лангс кемезь, мон пачкодян се оймамо таркантень, косо свал гайгить шнамо вайгельтне, косо Тонть а евтавикс мазычинь чачот лангс ваныцятнень невтемс кенярксост.

Тон – аштят минек виде мелекс, а евтавиця кенярксокс, Тонть вечкицятнень туртов, Христос Пазонок. Тонть шнатанояк минь пингеде пингес. Истя улезэяк.

Омбоце озномась

Ине Василиень озномазо

Христос Азоронок. Мастортнэнь Инязор. Весеметь ладиця, суюкпря еван Тонеть весе парочинть кис, конань Тон максык монень ды васняк Тонть Причастямот кис. Энялдан Тонеть, ломанень вечкиця: ванстомак монь Тонть кедеть ало ды Тонть селмот ало ды макст монень эрямом прыдовомс валдо Ойме марто. Причастякшномс Тонть Иневанькс тебезэть, пежетень нолдамонь кис ды Пингевтеме эрямонь кис.

Тон – Эрямонь кши, Чанстень лисьмапря. Парочинь максыця. Тонеть кучтанояк Шнамонок, Тонть Тетять ды Иневанькс Оймеялтот марто, течи, свал ды пингеде пингес. Истя улезэяк.

3-це ознома

Пазчангов Симеон Метафрастонь озномазо

Тон эсеть мелеть коряс монень ярсамопелекс эсеть рунгот максыця, Тон – Тол, пултыця Тонть а кунсолыцятнень, илямак пулта монь. Монь теиця-ладиця, совак весе сэрьгам, кедезэнь, пильгезэнь, потмозон, седейзэм. Пултыть монь весе пежетень сардов тапаркстнэнь, ванськавтык оймем, валдомтыть арсемам, кемекстыть пильген, весе ежомарямон валдомтыть, целанек монь пелемазот совавтомак. Свал ванстак, кирдть, монь ве ено оймем туртов апаро валдо ды берянь тежде. Ванськавтомак ды шлямак ды ладямак, превс путомак, тонавтомак монь. Теемак монь Тонть Иневанькс Оймеялтонь эрямо таркакс, аволь пежетень эрямо таркакс, штобу монь пельде – Тонть Храмонть пельде причастямонь примамодо мейле, кода толдо туевель весе кежевесь, весе пежетевесь. Монь кис энялдыцякс

евтан Теть весе чанствявтнень: рунговтомо Вийтнень прывтнэнь, тонть икеле молицянтъ ды тонть крестицянтъ, весемень содыця апостолот, сынят марто Тонть Иневанькс Ават, конат иень озномаст, седеймариця Христос, монь пазом саик ды Валдочинь ломанекс теик Тонеть служицянтъ.

Тон съкамот шназят — минек ойменек валдочи, весе минь Тонеть кода Инешкипазонтень, кучтано Шнамонок эрьва чистэ.Истя улезэяк.

4-це ознома

Чанстев рунгот Тонть, Иисус Христос Пазонок, кадык карми улеме монень пингевтеме эрямокс, Тонть питневтеме Верет — пежетнень нолдыцякс. Ды те Причастямось карми улеме монень кенярксокс ды шумбрачикс, меельце судсот жо ды омбоце Тонть самстот макст монень, пежетевентень, стямс Тонть Шнамонтень вить снов, тонть иневанькс Аватъ ды весе пазчанговтнень озномаст коряс.

5-це ознома

Иневанькс Азорава, Пазонь чачтыця, монь чополгадозь ойдем валдочи, кемемам, совамо таркам, ванстыцям, ладсицям, кенярксом монь! Сюкпря евант Тонеть, монень, пежетевентень мелеть явоманть кис ды Тонть Церат Рунгсонзо ды Верьзэнзэ причастямонть кис. Тон, алкуксонь Валдонь чачтыця, валдомтык монь седеем. Тон куломань а содыця лисьмапрянь чачтыця, макст тень эрямо, пежетьсэ куловтозентень. Тон седеймариця Пазонь чевте седей Ава, ульть тень седеймариця, макст монень, янксенма, эсь прянь сялдома, кевень седеем калавтома, сэтьмечи арсеман туртов, ды велявтома, пежетев арсемань полонстон. Ды макст монень монь меельце чис апак сялдо причастямс Тонть пельде ойдем ды рунгом лецямс, макст тень эсь прянь чумондомань ды сюкпрянь еванмонь сельведть, штобу тонть шнамс ды моравтомс весе монь чинь перть. Тон шназят ды вечкевиксат пингеде пингес.Истя улезэяк.

Ней нолдасыть. Трисвятой “Отче наш”

Иоан Златоустонь нолдамонь тропарезэ

Тонтъ кургсто парочись толокс кирвазсь ды валдомтызе весе моданть, сон макссь модамасторонть а вешемань сюпавчи ды Пазонь кунсолomanь превейчи. Тон жо Иоан Златоуст тетянок, эсь валсот минек тонавтозь, энялдат Христос Пазонтъ икеле минек ойменек ванстоманок кис.

(Шнамо) Сонзэ кондакось жо

Менельстэ тонеть максозь Пазчангось ды эсеть кельсэ весень тонавтыть сюконямо Троицанть ды вейкине Пазонтень, Иоан Златоуст, видечинь кандыця. Минь тонтъ теветь коряс шнатано тонтъ, эдь тон минек превспутыцянок ды пазонь валонь толковицянок.

(Ды течения Богородица)

Христиантнэнь весе седейсэ ванстыця, Вере Пазонтъ икеле весень кис энялдыця пежетевтнень озномаст мариця, ульть лездыякс, вечкевиксэнек, Тонеть кемема марто пшкадицятненень. Пшкадть Пазонь Чачтыця, кисэнек.

Эли эште чинь тропаресь.

Инешкипаз, ульть седеймариця (*колмоксть*)

Херувимтнэде седе пек лововиця...

(*Шнамо ды нейгак*) слава и иныне)

Нолдамо (отпуст).